

Kuala Lumpur banjir kilat

Kuala Lumpur: Hujan lebat hampir dua jam mengakibatkan berlaku banjir kilat di beberapa kawasan di ibu negara malam tadi.

Menurut sumber Unit Bencana dan Operasi Jabatan Pertahanan Awam Wilayah Persekutuan, lokasi yang dinaiki air adalah Jalan Rahmat, Jalan Sentul Manis dan Ipoh (bawah jejambat Jalan Tun Razak).

Setakat 12 tengah malam tadi, air mulai surut namun berlaku kesesakan di Jalan Pahang akibat sebahagian jalan itu ditenggelami air.

Sementara itu, hujan lewat petang tadi turut mengakibatkan kawasan di Kampung Padang Balang dinaiki air kira-kira 9 malam.

Difahamkan, banjir kilat berkenaan berlaku akibat penghadang sampah yang dipasang pada Sungai Gombak di kampung berkenaan tersumbat namun keadaan kembali pulih sejam kemudian.

Artikel ini disiarkan pada : Jumaat, 26 Disember 2014 @ 1:02 AM

- See more at: <http://www.hmetro.com.my/node/19100#sthash.bINeoSst.dpuf>